

海  
秋  
詩  
集

海秋詩集卷之九

益陽湯鵬海秋撰

九懷詩

併序

古人往矣。悲如之何。然而事蹟斯存。神理不斷。  
今其時矣。盍古其人。今其人矣。盍古其懷。爰祖  
屈原九歌之義。拉雜成詩。曰管夷吾曰公孫脩  
曰諸葛武侯曰周公瑾曰王景畧曰狄梁公曰  
郭汾陽曰司馬溫公曰王陽明是爲九懷上曰  
左邱明曰屈靈均曰賈太傅曰司馬子長曰揚

子雲曰杜少陵曰韓昌黎曰柳子厚曰蘇子瞻  
是爲九懷中曰介子推曰魯仲連曰梅子真曰  
申屠蟠曰梁伯鸞曰龐德公曰陶淵明曰陳希  
夷曰林和靖是爲九懷下曰望諸君曰鴟夷子  
曰張子房曰汲長孺曰孔文舉曰阮嗣宗曰李  
青蓮曰岳少保曰楊椒山是爲九懷補悲夫懷  
之云者洸洋而無際縝紛而無緒惘惘惶惶而  
不可名其爲殫智效勇匡主庇民史錄其功士  
壯其遇我是以有九懷上其爲乖心忤意憂讒

畏譏高不見援卑不見與我是以有九懷中其  
爲飄飄淩雲洋洋樂天有足乎內弗願乎外我  
是以有九懷下然而事不可了懷不可止言之  
不足又長言之長言之不足又詠歌而嗟歎之  
我是以有九懷補昔者孔子不得中行輒思狂  
士孟子又推孔子之所謂狂者以告萬章曰其  
志嚶嚶然曰古之人古之人夫人一日不對古  
之人則鄙吝叢生繆戾全集與其敝敝無甯嚶  
嚶懷哉懷哉惡可已哉

九懷上

端居想幹濟。尙論天下才。藹藹夷吾賢。坦坦桓公懷。脫  
囚登上相。纓浴三裘裏。山高與乘馬。理博事已該。偉茲  
一匡績。恕彼三歸臺。王威積孱弱。霸業未全非。臯夔固  
已矣。管晏良難哉。馬不厭飛擊。士不厭傑魁。孔氏稱其  
仁。此理吾所歸。管夷吾

造化雖綢繆。不廢雷與霆。美哉公孫儔。執政秉厥成。水  
懦遜火烈。濟時斯崢嶸。寬猛心所調。謗譽耳已并。鷺鳥  
不擊羣。坐視黃雀爭。姍姍市仁義。汶汶弛紀經。不見孰

殺歌易爲誰嗣情東里有遺愛縹緲吾淚橫

公孫僑

百年成大木巨室誰能貸不見武鄉侯慷慨隆中對漢  
祚固三分臣志惟翼戴炯炯誓死生洗洗秉威愛才匪  
蕭曹侔氣與伊呂再總觀三代後參天一鼎鼐當其耕  
南陽名實躬已逮聖有先知幾賢有豫定概滄海不厚  
蓄焉能潤百代念彼齷齪者塌然摧肝肺

諸葛武侯

蘭茝本異植瑜亮貴並生亮因治西蜀瑜亦江東行娟  
娟王佐資君臣如弟兄升堂感故禮撫背成今情義除  
漢家賊氣撼曹公兵亮哉上下交德業罔不成明月不

受。麟。康。衢。不。塞。荆。谿。然。去。猜。疑。千。載。垂。英。名。周公瑾

丈。夫。負。奇。畧。與。世。爲。轉。旋。以。此。捫。蝨。才。方。彼。臥。龍。賢。訛。  
訛。桓。公。忌。睠。睠。秦。王。憐。女。爲。悅。已。盼。士。以。得。勢。騫。平。燕。  
旣。拾。芥。定。蜀。如。轉。圓。垂。死。念。江。南。戒。兵。淚。潸。潸。可。憐。淝。  
水。敗。不。補。邱。山。愆。生。雖。盡。其。才。死。不。用。其。言。嗟。嗟。老。成。  
人。典。型。安。可。捐。王景畧

艱。危。見。天。則。涇。渭。不。可。淆。翹。翹。狄。梁。公。惴。惴。武。后。朝。一。  
言。返。廬。陵。中。外。歌。且。謠。幡。然。薦。東。之。唐。室。終。以。牢。鉤。日。  
於。虞。淵。五。龍。夾。飛。翽。老。臣。苦。用。心。內。洞。外。已。韜。方。其。委。

蛇時肯涉。傲與曉松桂。無浪蕊。鵬鶚匪沉巢。不受風雨。  
顛功業如山。高咄嗟。硜硜士所察。乃毫毛。  
狄梁公

大廈支一木。豈不孤。且忌峩峩郭汾陽。優游有餘地。外  
擔再造艱。內洗纖嫌累。誠收回紇兵。悲感朝恩淚。堂堂  
社稷臣。懔懔安危寄。下以收奔走上。以弭災異。倚賴苟  
區區。怕淫結朋比。何由被蒼生。悲風攪獨寐。  
郭汾陽

陰陽一驕蹇。剝極始復蒙。興言元祐朝。首相司馬公。皇  
天固祚宋。儒術斯逮躬。新法盡剗革。至治希龐鴻。垂歿  
進八紙。輸誠酬兩宮。室以一鴟。壤國以一賢。崇洗彼介

甫愚亮茲君實忠安危在轉移進聰乃退龔

司馬溫公

武臣常苦羸儒臣常苦弱矯矯新建伯談兵吐芒鏑遁  
寇肆追奔叛藩窮就縛勲高銅柱齊興遠綸巾薄稟德  
具謙冲執樞動寥廓仁經而義緯振此濟時畧迂哉講  
學徒吹毛工擊搏尙文實委靡臨事乃錯愕太公有戎  
韜及時自研摧放當爲世用卷當樂其樂

王陽明

### 九懷中

寡識物莫忌多聞數易窮悲哉左氏盲此理吾其蒙光  
光內外傳博物搜鴻濛巧言而匿怨好惡聖所同秉躬

備仁智乃類。賤與。矇鸞有碎羽。愁驥有蹶蹄。終豈惟人。  
事拙未見天。體工雪涕仰空歎。弔古將何從。  
左邱明

荃蘭不療饑。汨羅甯洗愁。哀哀楚大夫。萬古爲悲秋。  
九歌衆莫辨。一死吾何求。甘此魚腹葬。了彼蛾眉憂。  
可憐懷沙賦。庶幾聞者羞。生諫畏蒼蠅。死諫投清流。  
春風媚薺菜。秋風槁梧楸。梧楸空自長。薺菜一何柔。  
蹙蹙宗邦運。翩翩黨人謀。旣醉不可醒。誰令厥疾瘳。  
屈靈均

才奇莫上書。年少莫出羣。踽踽賈生狂。嘈嘈漢廷瞋。  
可憐治安淚。送此遷謫因。薄恩竟何奈。孤意難重陳。  
湘水

多悲風紛紛愁殺人。萊蔬溷蘭澤。螻螳橫鯨鱗。褰裳弔屈原。一去已百春。情深致往復。量狹來悲辛。白日自有光。大道自有鄰。烏虜絳與灌。何足撓我真。

賈大傅

讀書負意氣。義高論崢嶸。試辨李陵寃。乃遭巷伯刑。身殘獨抑鬱。囹圄春冥冥。生闕麟臺重。死慙鴻毛輕。文采不表見。誰辨渭與涇。軒轅迄今茲。筆削良所爭。烏虜著作儔。例皆憂患嬰。羣里囚可歎。尼山厄屢更。學析天人奧。筆與風霜并。未論一朝辱。且希千載榮。

司馬子長

出門患縶紛。閉門甘澹泊。至哉揚子雲。風雨秋蕭索。太

元析眇幽法言守迂闊鎮今貴無營睨古庶有託緬惟  
新莽年羣情競騰躍白駒逐塗軌紫鸞窺簾幕性因塵  
埃拋躬以圭組縛誰能守奇字外苦內逾樂大隱隱朝  
市小隱隱邱壑深思介推田不異子雲閣

揚子雲

陶潛慨黃唐杜甫方契稷俛仰一何高時會不我卽白  
頭授拾遺抗疏反沈抑情因朋友厚義與君王塞淒淒  
華州貶悄悄耒陽僻塗窮感羈旅義正存輔翼烏虜忠  
孝姿坐爲饑寒逼飄零老詞章奔走死荆棘扳岱貴窮  
巔觀海宜歸極誰謂一言非乃失萬夫特

杜少陵

桃李何豔豔松柏不改青吁嗟韓夫子忠直由天生救  
民弔瘡痍斥佛排崢嶸徒然落冤讐未足補聖明裒裒  
陽山去汨汨潮州行林棲鵲惡海蹋鯨鱷狂時情各  
自媚升沈飽所更獻長塗有先蓋短理無傾反笑鷹鷂  
愚誰懲狐鼠橫孔性戒勿欺孟氣期養成大哉原道篇  
本末齊六經觀古得其源高義垂青冥

韓昌黎

皎皎明月出漫漫浮雲侵太息柳柳州懲咎一何深任  
文非吾黨交游墮嶮崙昔爲膠與漆今爲瓦與礫悔往  
急如擣補來勤可欽士生一世間駛若風吹林遭難乃

刻苦著作蹈深沈。懷抱絕筆飄飄。厲貞心猿猴挂我。  
牖魑魅。窺我襟了了。悟險易真意。斯漓淋。  
柳子厚

盤盤鵞飛天。喋喋蚊成雷。哀彼蘇先生。觀閱何多哉。  
草麻坐毀謗。詠檜遭嫌猜。飄零南海踪。兀傲西湖杯。  
才豪氣不餒。性適情已該。晚逃支遁禪。誰爲稷契媒。  
緬惟二聖朝。旁求廊廟才。彌縫臨川是。構造眉山非。  
梟鸞不並巢。桃桂不連枝。挺挺復何憾。洪忍非天懷。  
蘇子瞻

### 九懷下

艱辛氣易合。貴盛情已捐。姑置重耳疎。深思介推賢。  
心

遠身將隱焉。問醜與妍。貪天衆眇眇。遯世余翩翩。黃鵠  
一萬里。高風不可援。誰謂船中盟。可方縣上田。惜哉龍  
蛇歌出處。形憂煎亮非。當時懷泯滅。夫何言。介子推

東飛鳩與鵠。西飛鶴與鵲。矯矯魯仲連。不爲羣情縛。心  
希莊周賢。辨奪田巴弱。救趙更存齊。才名動寥廓。男兒  
負倜儻。老死豈爲樂。稍稍樹時棟。悠悠遂天爵。誰能學  
縱橫。金帛滿囊橐。富貴有榮枯。貧賤無美惡。飄然東海  
蹤。身世獨斟酌。魯仲連

讀書不希榮。鍊性復何想。恨恨梅子真。直言鬱慨慷。上

褒箕叔忠下懲呂霍罔沽名非所云義激情逾勇時人不察識孤鳴竟飄蕩蹉跎釁遂增縹緲跡安放渴飲九江流饑拾會稽橡人生有遠懷愜今不知曩妻子尙可捐况彼塵中鞅

梅子眞

潛魚笑罟師冥鴻謝弋人蟠也遘厄會味道守其真環顧太學生議論何斷斷心希擁篲譽黨錮來悲辛高名動見尤多言豈所珍慘慘俊傑哭荒荒桎梏因誰在梁陽間草屋甘賤堙方逃蔡邕薦豈屑荀爽羣譽亦不驟得毀亦不遘臻知幾以爲實吾道甯淄磷

申屠蟠

居山不厭深。取妻何用嬌。賢哉梁伯鸞。舉案如吹簫。聊以耕織樂。永此夕與朝。心隨四皓游。跡避五侯驕。人生亦何求。棲神在逍遙。巧言謝囂訕。默坐忘劬勞。但費椎髻婦。憫憫勤所操。炊黍積晚煙。釀秫流香醪。相對有真意。悲喜何能消。還理五噫歌。束縛匪吾高。

梁伯鸞

幽居燭萬物。安危了可論。蒼蒼龐德公。亶亶心不羣。仰觀鴻鵠高。俯察黿鼉馴。各有棲與宿。何必要路津。春風多浮花。朝香夕已塵。前期儻失次。後悔難重陳。言採鹿門藥。勝棲峴山雲。白石扣我杖。清波濯我巾。旣去肯更

返長屈何用伸冥冥自終始難告世上人

龐德公

齷齪乘華軒靡靡寡道要逸哉彭澤令不受五斗誚飄  
如雲行空朗如月在照長歌歸去來展此東臯嘯天命  
固奚疑人事尤可料爭塗積今愆量力悔前躁良苗爲  
我新美酒與我好大笑世上浮誰析杯中奧當其獨得  
時醉醒兩不校肫肫懷葛民千載一淳妙

陶淵明

猿鶴不異性僊隱豈殊科我思扶搖子山居搴薜蘿酒  
以慰饑渴詩以蠲煩苛心知黃白術老矣髻不皤悄悄  
謝人事盈盈得天和不見紛紛者春風嬌佩珂甘肥斲

清和言集卷之六  
軀命零落歸邱阿林泉多壽考古意今已呵蜉蝣笑龜  
鶴安知我與他

陳希夷

畦畦商山芝嫋嫋孤山梅旣供黃綺還伴林逋懷怡  
情考墳典問姓羞塵埃結廬西湖西湖水相與指不藏  
封禪藁誰訾茂陵才烏虜終南徑久爲賢者非理以生  
死要情因清濁乖執持貴有恒突兀固無儕悄悄抱金  
石已矣何念哉

林和靖

### 九懷補

驚鳥盤天飛  
喪哀中路間  
哀哉望諸君  
暴露摧心肝  
平

齊豈矜功走趙斯。汗顏受謗安敢貳。報恩苦不堅。戕戕七十城。得喪如循環。烏虜騎劫。愚未足當田單。用賢敵所畏。用愚敵所歡。明察不在中。支撐亦徒然。還顧黃金臺。羞悔安可言。

望諸君

知愚苦不逮。判若壤與霄。吾觀鴟夷子。江湖得逍遙。逍遙豈足矜。菹醢匪所高。懼騰大夫種。七術乃傾撓。念當膏膽年。折節傾賢豪。患難理有加。安樂心易驕。國勢如浮雲。變幻不可要。狡兔死。更生蜚鳥去。仍遭不見甬東哭。誰復壯夫椒。哀彼烏喙人。厥鑒長混淆。

鴟夷子

天運方踳駁。劍俠相遨遊。子房結力士。鍊椎奪萬牛。小人鬪私憤。君子重國讐。狙擊中副車。慷慨心未休。遭逢隆準公。布衣至列侯。強秦燄已滅。帷幄恩已酬。願棄人間事。赤松爲我儔。烏虜紛紛際出處。義已偷未知。韜與畧翩翩。狐白裘福爲人所豔。禍爲人所羞。沉思辟穀理。可以消繁憂。

張子房

小人曲如鉤。君子直如絃。未見百鍊剛。化作繞指柔。然髡髡汲長孺。犯顏以爲覲。心知儒術詐。面數刀筆愆。烏虜武帝才。曾不鏡媼妍。公湯日已貴。長孺乃迤邐。迤邐非

所厭直節安可捐。老成有典型。長慕傅與袁。汲長儒

江河苦多魚。多魚來網罟。君子厭重名。重名致齟齬。耽耽曹司空。蹢蹢孔文舉。生命苦不辰。迺與蚊虻伍。捷哉郗路奏。呀呀如猛虎。免官罪已苛。夷族毒彌苦。乃知末流世豪傑。亦無補道高。廣薦達運塞。競猜拒方忌。顏回來誰惜。仲尼去正傾。而邪昌。天道憾何許。孔文舉。

憧憧禪中蠱。焦滅極可憐。嗣宗獨放誕。弗就繩墨牽。外託酣飲名。內韜白與堅。醉拒求婚請。狂草勸進篇。沈洋咏懷詩。天機脫雕鏤。未知意所斥。其出有餘妍。濁世苦。

易激清流苦易愆海風吹波濤一葦難因緣弱羽張彊  
懷哭兀來踣顛太息中散狂未若嗣宗賢 阮嗣宗

鳳皇生崑山下厭束與縛飄飄謫仙人瞻矚小寥廓始  
結六逸遊繼遂八仙樂千觴忽揮灑斗酒但斟酌棲棲  
忝幕僚荒荒挂綰繳倚賴郭汾陽一言減哀愕烏虜管  
鮑死反覆來輕薄貪常喜遨遊蹈險紛銷鑠汾陽實人  
情娟娟記疇昨乃知大賢風報施心騰躍垂訓後來人  
慎莫負然諾 李青蓮

途長知駿馬世梗見賢人誰謂漢勢偏諸葛揚其勲誰

謂宋祚竭乃有岳家軍驍騰郾城戰兀朮窘且奔中原  
歎可復片紙殺其身或乃咎班師班師固忠醇勿犯干  
秋譏庶使寸心存申生恥逃遁屈子甘沉淪取義良在  
斯賊檣何足云皇天照其血后土收其魂哀哉文武才  
報國空嶙峋岳少保

熊羆吼深林鷹隼騰高秋咄咄椒山膽蝟蛇何足投一  
鸞困幾死百鸞培不休竄斥耿忠憤姦險同仇讐嵩黨  
爭下石趨悍橫戈矛風吹枷鎖香就死吾無訖有明稱  
制來得失吁可求劉魏兩大蠹鈴山成三鷺赤血濺縉

紳元氣成瘡痛曾是塞忠規徒以老奸謀奸謀不可料  
忠規如可求重理十罪稿涕泣紛雨流

楊叔山

海秋詩集卷之十

益陽湯鵬海秋撰

五言古詩

獨坐懷葉潤臣四章

亭亭芭蕉葉。豔豔石榴花。豈不被我庭中心。有所嗟念。  
當去束縛變化爲雲霞。拂君芙蓉衣。照君碧窗紗。哀哉。  
泥潦橫咫尺。天一涯。欲往且復還。涕下如層波。

昨日勉爲虐。今日雹爲灾。讀書不濟時。愁思無由開。顧。  
此頭上霜。一髮千。裘裒少壯。能幾何。老大行可貽。我有。

白玉醅副以黃金罍長醉不用醒萬事委去來

古人苦銷沈今人苦離索以此方寸心積苦多於樂願  
開北海樽載廣公孫閣好士亦天性匪祈名譽博青天  
高寥寥黃雲昏漠漠安得同志子晨夕展談諠

荃蘭不言香其香滿八區娟娟靜者姿外潔中有餘昨  
日貽我詩字字垂瓊琚未知今所得當與昨日殊薰風  
兮薰風爲我導雙魚上言惜寸陰下言葆令軀

### 出阜成門望西山

綿蕞發幽想浩落當清秋未知虬蟬爭願結麋鹿游步

出西南門蒼翠盈我眸。天高露峭嶢樹密藏颼。闌我我  
神京臂杳杳羣仙陬。松喬亦人情雲霞爲我留。作僞理  
豈長抱真時何求。手舉三秀草可以療繁憂。

登石經山觀渾河

振衣上層岑。天青路頗險。峭碧何巉巖。枯紅尙皸皸。悲  
風起蕭蕭。落葉紛紛。冉冉雖謂所厯高。繕性詎無忝。乃知  
崔嵬難。弗若滄洲善。迢迢桑乾流。朝宗歲以漸。願言載  
遠游。一羣用鼃勉。蓬萊覲安期。不我以環玷。

由栗園莊度羅喉嶺

山行無常程路轉得村莊石棱爲我怒蘿帶爲我長離  
離雞犬聲鬱鬱桑麻香兒童各自得弗問客何方喧靜  
有端倪俛仰生慨慷後顧林窈冥前登天莽茫嶺直雲  
盤梯苔深秋隱光歸狄啼層枝蟲蛇逼征裳我行何到  
此陟降千回腸遭物屢驚愕伏機得徜徉旣秉謝公達  
豈效阮生狂出險而入平君子甯不詳

至潭柘寺取徑觀龍潭

將將午時鐘冉冉山中寺藹藹松陰交淙淙泉響至山  
僧導我行一筇破蒼翠念彼神物姿窟此深潭遠潭中

何所有朱魚各自媚。潭外何所有怪石紛可跂。不聞龍  
吼殷。但見泉流瑟。冷然洗我心于焉。獲攸墜。

曉登延清閣遠眺

夜枕泉聲眠。曉聞禽語響。山光似眩變。人意彌疏爽。起  
登殿東閣。遠寄塵外想。邈邈藤蘿垂。縹緲猿猱往。風折  
礫。礫平雲。納隅隈。廣上有瓜牛。廬下有壺公。杖屨物外  
無營鏡。理中何因誓。當老山椒行。歌破蒼莽。

從慧聚寺往觀化陽洞

蹋秋秋苦冽。訪寺寺苦深。取道十八折。楓櫟鋪霜林。經

聲明可揭鹿跡微難尋借問化陽洞枯藤瘦欹釜龜寒  
石乳結蟲老苔窠侵手炬照屢疲眼花眩莫禁自古有  
憂患茲游亦陰森收身還前途汗下霑衣襟

將登極樂峯尋孫臚黃蓮臥佛諸洞不果

鯨牙君莫觸虎尾君莫騎誰謂山谷間進退職其宜瞻  
彼極樂峯天荒洞慘悽壞蘇巢蝙蝠獐颯嘯魑魅垂垂  
藤倒墮磴磴石半欹將前而更卻似豁乃大迷人生不  
滿願滿願非福緩夸父跡勿踐精衛力終疲攀躋何必  
窮聊以愼吾儀

戒壇觀九龍松

乾坤無安排。山谷迴且工。潭柘自有泉。戒壇自有松。種  
松溯何代。老幹蟠九龍。下枝蔭厚地。上枝摩太空。豈不  
羅霜雪。長此千歲容。青龍倚其顛。黃鶴棲其中。人生貴  
所適。天性焉能蒙。逐器理固塞。習靜神逾充。願從蒼官  
游。時與僊侶逢。飽餐茯苓脂。長爲黑頭翁。

登千佛閣望諸山

秋空氣增寒。山長足易繭。安得上上頭。四遠紛可辨。快  
哉千佛閣。排闥萬峯轉。巖深樹輪囷。嶂疊雲婉孌。東垂

潮和詩集 卷一  
四  
朝○日○升○西○納○夕○颺○歛○纖○毫○見○鳥○道○妥○帖○出○黛○點○覽○物○情○  
已○拳○卽○趣○理○惟○展○似○從○鹿○門○來○未○覺○磻○溪○遠○築○室○環○梧○  
楸○垂○竿○狎○苔○蘚○哀○彼○塵○土○人○曷○不○肆○臆○勉○

至翠微山登大悲閣

旦○夕○索○幽○異○心○目○交○徜徉○山○山○自○相○對○閣○閣○自○相○當○臨○  
虛○聳○高○壁○眺○遠○來○寒○光○俯○見○千○里○豁○仰○承○一○氣○蒼○天○地○  
在○指○掌○卓○犖○觀○陰○陽○空○林○寂○無○人○此○理○吾○其○詳○

從香界寺往觀寶珠洞

暮○從○翠○微○脚○旦○上○翠○微○頭○娟○娟○寺○中○花○瑟瑟○洞○口○秋○寶○

坊屹無敵古木枝相樛松果雜鳴鶴石骨撐蟠虬濕雲  
寒人衣佇立心悠悠似騰徑寸光錯落與目謀合浦誠  
歸來明月耻暗投卽此鏡貪廉豈謂徒遨遊

晚還龍泉庵坐池上玩月

快馬貪塗橫倦鳥投林靜茲遊頗勞瘁端坐得孤迥方  
池廣且深藤蒲夾菱荇清波有徐興黃昏出餘景仰瞻  
女與牛河漢秋耿耿蟾蜍爲我光舉杯發深省天機對  
嬋娟人事歸醕酎時間松風來幽意一以永

循山徑歸至清涼寺小憩

閒閒入山雲活活出山泉登高固自卑既往亦有還誅  
茅計未可支策聲已吞山靈揖我別白日烟荒然回頭  
眺峻嶒寄意餘纏綿琴留琤琮響衣帶飄飄痕鳥爲自  
悲鳴風爲涕飄飄豈不戀巖谷苦被人事牽徬徨得梵  
隱煮茗療憂煎嗟爾白頭僧未知我拳拳

思七子詩并序

七子翩翩皆風雅才生而支離固已奇矣杳杳  
泉路抑更悲焉愛而不見情繫乎詞作思七子  
詩

茲同志子意氣重瓊玖各秉特達才雲夢吞八九山海  
不厭大金石不厭久持此炯炯心酣歌對樽酒

樽酒何纏綿我懷鬱多端譬彼江與河奔流安可言賈  
誼旣上書楊雄復草元上書多苦心草元私自憐人生  
亦何常魚潛鳶在天咄咄靈均愚九歌空浩然

浩然無畔岸心與春風颺春去昔已悲春來今洋洋東  
皇知我愁梅柳爲我行及此人日新旨酒盈我觴時引  
平生交醉醒俱徜徉廣川有三策何必排天閭

天閭高哉我風雲自開合忝茲鴛鴦班覬彼麒麟閣心

長苦羽短。未有涓埃答鬱鬱。千言韜荒荒。雙鬢颯歲華。  
慨奔騰道力。恥捭闖行當。守其愚生涯。在壺榼。  
壺榼自有酒。青春自有懷。勞心視萬態。慨嘆從中來。日  
稽陶與阮。豈直樗散材。聊託麴蘖名。逍遙無是非。黃鵠  
翔萬里。弓矰何所開。古人不我欺。痛飲良勗哉。

勗哉亦何事。千秋以爲終。有酒慰飢渴。有詩溯國風。漢  
魏暨齊梁。正變浩無窮。逶迤唐宋間。障川誰之功。高凌  
千仞岡。下晒一椽宮。焉能學管窺。無由控鴻濛。  
鴻濛具元氣。下界誰當見。我思古之人。前籌懷後殿。古

近雖有殊聖凡惟所薦置我於其間心苦涕如綫拳拳  
告我友有酒頻用勸一酌洗憂煎再酌大懽忭

酬孔宥函比部八章

五行結秀氣化爲雙鳳凰一落淮海東一遵衡與湘矯  
矯勵羽翼飛飛來帝鄉和鳴抱古意百鳥不能詳百鳥  
匪無聲鳳凰信有行遨遊雲霄中下顧多慨慷

君詩秋空雲我詩江間波江波捫長飈秋雲耿明河覽  
古詞章家厯厯有殊科根柢苟不實枝葉安足多勗哉  
同心子正變在觀摩勿取一時譽千載當如何

人生不相似相似亦適然。爾我竝爲郎。蹉跎今有年少。  
壯如流波。雙鬢忽已顛。回思人間事。鞭策苦不先。猛鷺。  
生恐懼。低回就拘牽。弗爲人所豔。徒爲人所憐。

今晨樂何事。春風扶我行。盈盈一樽酒。與子敘平生。走。  
山莫騎虎。入海莫掣鯨。去常而就險。尤悔紛合并。攬衣。  
起。彷徨出語復吞聲。且盡杯中物。休論世上情。  
萬物紛浮囂。精理獨不磨。寸心貴醞釀。吐之以聲歌。長。  
歌旣窈窕。短歌亦婆娑。此樂在古今。豈復知其化。實至。  
內可思。名浮外則那。哀哉金張輩。各已埋山阿。

泰山雖云高。嵩恒長配之。青松挺千尺。旁有焉薶枝。人生感氣類。道大無端倪。長爲駢穗蘭。勿爲獨繭絲。子兮不我夸。我兮不子私。炯炯百年心。安有窮已時。青春滿天地。花柳相簸揚。此時不飲酒。萬感集我腸。古來糟邱人。獨立在蒼茫。念當去畦畛。痛飲以爲狂。哀哀行路中。杌鑿誰能忘。小人自隙末。君子樂其常。勞勞重勞勞。一歌君子行。宛轉塵埃中。握手開我情。照我以白日。贈我瑤與瓊。豈不感燕婉。古義還用呈。虛舟知江廣。老馬知塗橫。三復他山詩。交游垂典型。

寄鄧湘臯學博四章

南國有雙鳥。毛羽何麤。筆一棲故山隅。一倚天之涯。馳書若不達。鏡心靡有他。各理千秋事。願得名其家。屈宋久微茫。蛙黽紛疵瑕。奇哉雙鳥鳴。風雷入唵呀。寸心有滂沛。萬象爲萌芽。不憾知者寡。但問道如何。勤勤採蘭芷。庶以銘無邪。

赤驥一萬里。中途生險巇。不如白鷗鳥。浩蕩於江湄。白鷗與天游。赤驥爲人悲。念我俛仰間。華髮彫離離。支吾取贈賂。笑兀生慘悽。安得一茅屋。與子窮幽棲。朝聞好。

風來暮與白雲期。莊生誓曳尾。此理寔吾欺。

誰謂煙霞微。所尙得衆妙。彬彬鄧夫子。山居精典教。遺文就蒐羅。元氣啟奧窔。當其下筆時。百川爲奔導。哀哉今詞伯。乃雜耕與釣。長謝龍鸞羣。弗滋猿鶴笑。高義不可刪。古光長在照。君看木槿妍。未若松柏傲。千秋以爲寶。旦夕何足校。

鴻雁何飄飄。東西南北間。念子無兩翼。安得相往還。豈無盈樽酒。亦有鳴琴彈。酒以佐懽欣。琴以滌煩冤。惜哉不可得。道危氣類單。汲汲觀古今。迢迢恨山川。夢寐有

端倪歲月無回旋。長恐齒髮盡覲面。終無緣寫茲悃。欸辭涕落如奔湍。

贈姚梅伯孝廉五章

海壖有一士。其貌窘且單。衣無氎毼。溫梓無五味餐。兀然發長嘯。心苦涕淚繁。豈不惜涕淚。其如吾道艱。鳳凰矜五色。下羞燕雀頑。燕雀長飽煖。鳳凰長飢寒。食茶甘如薺。顛倒無窮年。巫咸兮巫咸。何時下人間。

謂天不汝憐。謂神不汝好。我思冥漠中。此理常皦皦。東園有桃李。紅白相窈窕。西園有松柏。鬱鬱傍叢篠。松柏

語桃李慎莫厭我爲歲寒守端正君子所依歸貧賤自有是富貴自有非是非勿重陳重陳心苦悲

我懷山陽子

潘四農

其人賢已老炯炯抱奇文汲汲存古

道譽汝于我前璠璣以爲寶本無涇與渭焉得不式好有酒盈我樽有魚在荇藻烹魚不厭鮮飲酒常苦少凱風來自南吹我情縹緲酣嬉委大化萬事何足討

拔劍一崢嶸其氣凌青天窮愁鞭古心乃得千萬年顏氏寄簞瓢樂道以終焉馬遷亦發憤文采高騰騫證昔理在握眩今情遂遷哀哀羗腐中誰能辨愚賢小人逐

其末。君子志其全。生當勵吾事。死當壽山川。

朝作攜手行。暮作攜手行。薦蘿附松柏。遂此纏綿情。借問客何爲。欲語吞其聲。古人不可作。今人莽縱橫。一步十崎嶇。憂患靡有程。長念追風驥。弗若出谷鶯。追風易蹶蹄。出谷但和鳴。千秋萬歲後。誰其寒我盟。

寄楊杏農孫芝房兩孝廉七章

鬱鬱沅湘道。迢迢武陵舟。馥馥香蘭花。飄飄波上鷗。蘭以結網繆。鷗以伴遨遊。此樂無窮年。焉知去與留。回念人問世。塵土無時休。美人如雲霞。可望不可求。

人生不相識。枘鑿難爲懷。忽忽通情話。兀兀千裘哀。皇  
靈無阿好。今昔同一才。鄒魯方前駕。賈董斯後來。崢嶸  
吾所愛。坎壈吾所哀。荒哉枳棘中。鸞鳳誰其媒。

濛濛一青天。白雲東西之。蘇李始離別。哀歌是我師。君  
爲揚風蓬。我爲傲霜枝。蓬飛無端倪。枝存亦參差。安得  
騎鴻鵠。握手慰相思。鴻鵠非人情。相思無已時。

結交交苦少。逃名名苦多。挺挺寄孤尙。紛紛竟如何。南  
山有松柏。趯枝蔽山阿。其下尋斤斧。摧厥根與芽。不憾  
斤斧橫。但爲松柏嗟。悠悠古之人。與我同悲歌。

今人逐一瞬古人銘千年千年金石固一瞬桃李妍桃李笑金石不汝以周旋方結新者歡誰爲故者憐於虜黯澹中古道相纏綿窮當樂其樂達當踐其言

入珍且勿具執縞且勿陳山中煙與霞豔豔長千春寒汝藤蘿衣飽汝蘋蓂餐時見漁樵人蹋歌相往還忘機樂在中稟性寡所偏厯厯去來事瑣屑何足言

盈盈一樽酒獨醉難爲醒矯首雲山外二妙繫我情我情日已竭我淚日已橫長恐老將至嘉會不合并願呼安期生贈子以瑤瓊各葆龜鶴年無與蜉蝣爭

荅葉潤臣五章

趙瑟且勿作燕竿且勿從允矣騷雅才古意蟠心宵長  
唵續短唵萬變同一宗娟娟屈宋淚洋洋大楚風荃蘭  
在人間哀怨何時終我比荃蘭根君比荃蘭容古容匪  
今豔古根匪今崇長富執此義不與賈衆同

勞勞視萬態往往得參商中情苟不屬羽翼難頡頏我  
友二三子聚散恒無旁聚如雲與龍散若蓬飛揚褰裳  
不得往天高路蒼茫回風吹我淚毒霧塞我腸願以獨  
孔針繡作雙絲裳此意無人知出入增徊徨

橋東有一士。結宅避塵鞅。左圖而右書。觀理得其養。時  
爲商歌聲。聽者咸慨慷。匪所聽者知。但愁歌者在。一歌  
鳳凰來。再歌麒麟往。麒麟何儀儀。卑走墮榛莽。鳳凰不  
竹實。飢鳴訴飄蕩。棄置勿重陳。豁然視天壤。

山嶽豈不厚。江海豈不深。連理及比目。未若君子心。相  
識自蚤年。相賞在新吟。曲折備人事。和平達天音。文章  
貴有託。許與難爲淫。朝看鸞在梧。暮看鵲在林。何以結  
綢繆。願爲君子衿。何以通神明。願爲君子琴。

火雲何崢嶸。溽暑不可開。離離四野歎。禾黍枯根萎。君

來扣我門清風盈我懷不願盈我懷願廣爲霖才黃鵠  
厲羽翼出入雲霄隈男兒無柄藉束縛于塵埃塵埃苦  
易老心腸苦易回寫我百年憂惟有葡萄醅

再答潤臣七章

大雅日陵替懷抱誰爲開君詩挾風雨灑灑蟠空來初  
尋無端倪三復情理該理如金在鎔情如岑與蒼勞生  
坐懸直外物今已灰子贈我瓊瑤珍重千裴褰

人心比明月孰智而孰愚人心或榛梗明月長空虛娟  
娟君子姿真樵天與俱時還進所業古近證在余春夏

多。好。風。槐。柳。爲。誰。舒。酌。我。十。千。杯。報。子。以。區。區。

古人疾沒世。今人競目前。家家抱荆玉。夸世以爲妍。慕  
天而席地。此態神所憐。弗結屋漏懷。誰能守其真。嫫母  
自麤醜。西施自嬋娟。但用存本性。無爲名譽纏。

今晨褰我裳。步出城西道。芙蓉擢清池。一一向我好。道  
旁雙角童。樵歌出林篠。借問所聞見。弗外魚與鳥。鳥高  
矰繳非。魚深網罟小。念此怡我情。脫然忘枯槁。

鄒魯不湮沒。大義垂青天。下暨荀與揚。說道各有篇。惜  
哉同異紛。不爲古所憐。泥古遺其神。變古塞其源。落落

文章家勉勉還慎旃貴泯當時爭席完後代傳

交交出谷鶯肅肅盤秋隼鶯曲而隼直此意吾所近言  
以潢潦微願作江河引摧落塵埃中肝膽自矜閔咄嗟  
此肝膽不與塵埃盡生當裹風霜死當化芝菌

枯菀君勿問修短我勿求願以一樽酒送此千萬愁伊  
古坎坷客厯厯築糟邱下不埋溝壑上不倚斗牛時與  
素心人醉醒雨不謀百年但如此樂矣其無休

答李梅生七章

拼欄一何短梧桐一何長斯人亦今人中有古肝腸脫

然去思諱貽我新詩章上言屈宋死荃蘭爲誰芳下言  
雙鳳凰羽翼相頡頏哀哉此意深一步千傍徨

太行生康莊呂梁不可行君子重氣類焉得不分明昨  
日膠漆人今爲縱與橫悲深弗敢訴炯炯含古情我有  
一樽酒願爲斯人傾我有綠綺琴願爲斯人鳴湛湛長  
河水悠悠千載盟千載亦微茫寸心長合并

古人如星辰其光長在天今人讀詩書同是紛紛何頗譬  
彼黃河流誰問崑崙源導源自尊塞流流自還出門  
忘南北有懷無由宣藹藹同心子歷歷相策鞭愛至去

然疑進銳忘後先我欲竟此樂此樂難具言

皇靈產萬民孰賢而孰否往往豪貴人談蕩無不有朝  
披紫綺裘暮進黃封酒結交許史間熏天勢在手樂亦  
不可覲悲亦不可狂放意於太虛氣豁理彌厚時還草  
我元未知覆誰甌寥寥斯人賞豈謂吾生苟

人生亮何恃旦夕枉自妍步出北郭門累累冢可憐冠  
珮委塵埃姓字埋霜烟借問冢中枯瑣屑難爲傳山當  
俯五嶽水當納百川孔氏集大成俎豆無窮年

南山有松柏千歲一光彩下視木槿花朝榮而暮痿咄

嗟行路子于何取模楷願爲曲者先弗爲直者解案頭  
古銅鏡照見寸心在匪求寸心明但恐削真宰煌煌北  
指杓汨汨東歸海叮嚀爲汝言不我以悲駭

食荼不如薺種樗不如桑言持白玉佩報子以輝光願  
君長識察古意在心腸發爲婉轉歌天地久低昂哀彼  
蒼蠅聲鷓鴣嘲鳳凰我當變化之子兮爲我將

再答梅生七章

萬鎰弗彫琢末由發輝光懿此挺特姿欬欬登我堂搜  
奇日有富送難誰能量江河割崩豁蛟龍夾披猖伊古

有餉遺衆獻非獨償咄咄昌黎翁未見籍湜儻

曰余鮮樹立哀樂積中年淒淒悼前猛炯炯戒後訾風  
雨自有聲文字自有權逶迤鉛槧閒聊以適吾天近觀  
竊自得遠引何足言翹翹古之人行行難比肩

青松有附枝黃鳥亦和鳴周旋於氣類庶以通吾誠入  
門討古初出門集羣英同異森在辨妍媸故自呈願以  
鐘與呂爲子揚其聲靡靡削鄭衛淳淳達韶韻

五嶽各崢嶸九河亘澎湃天地有結構變化出奇怪古  
人非今人古藻非今繪願言屏策臼衝突于其外文字

如雲霞朝夕不一態刻舟以求劍忘懸其能奈

騑駟駕長風一日一萬里念子方勤勞其進不可已耿  
耿一燈熒肅肅千詩美慷慨天爲青愷悌神所喜楚何  
必屈宋漢何必蘇李斯人在吾前騷雅其有以

獨鳥依高樹啾啾聲苦乾下羨在沼魚羣戲菰蒲間丈  
夫志文字羽翼求其援賞析雖分外理爲心所安豈惟  
當時重庶免後代刊摛此樽中月與子長團圓

登高望四野輪蹄似流波去者不可追來者其爲何潭  
潭五侯門賓客紛綺羅誰念斗室中古道相觀摩古道

弗厭豐同志。弗厭多。溯彼鄒魯。慨仰心咨嗟。

梅生過訪不值

今晨迫事役。僕僕泥濘中。回飈吹我衣。赤日焦我容。豈不厭勞苦。簿領亦我功。僂僂向前路。偏側無時終。懷哉青衿子。飄飄若冥鴻。雖知面譚稀。貴用心理同。

團團明月光。皎皎照窗牖。沉沉結魂夢。慘慘執君手。明明在我前。忽忽在我後。思心繚繞之。焉知然與否。平生爲離索。鬢髮成老醜。東西南北間。契闊靡不有。孤鳴惜絃琴。獨酌慙杯酒。願君再至止。庶以慰吾厚。

人生不相見何必天一涯。哀此咫尺間。天晚黃雲斜。門東雨楊柳。枝葉紛交。拏君來若爲迎。君去含咨嗟。豈無新詩歌。賞析匪自他。翦燈照古心。涕墮如秋花。

梅生再過訪不值

菲菲曾雲合。剌剌靈景開。迢迢兩黃鵠。各自東西飛。東亦無與偕。西亦無與偕。舉頸遙相望。五里一裴褰。人生稟知識。何者爲樂哀。甚欲敘殷勤。誰分當離乖。爰以兩行淚。滴向階上苔。苔蘚猶有情。書意其能回。

貧居無兼味。杯料情有餘。酒濁人自清。魚枯人自腴。念

當慰留子古味相歡娛方慕劉阮超豈辭懷葛愚童子  
垂五尺禮意常區區客去倦遮留客來弗知趨搖搖午  
薰盡冉冉夕暉俱似聞空中音雜脊鳴瓊琚

哀禽思平林倦馬厭長道念子如幽人來往以爲好風  
吹古衣巾露裏新詩藻飄飄人間世兀兀挺孤造枯苑  
匪所爭聖凡還用討真意苟在茲誰謂氣類小有廬倚  
蒼槐有香出叢篠心心告明月可以送懷抱

出南西門至尺五莊飲酒偕梅生作限問柳尋花  
到野亭爲韻

鴻鵠厭樊籠。性與青冥近。凌晨稍休暇。選地得清峻。溪壑向我流。林巒爲誰覩。仟仞遠樹橫。靄靄平田潤。黃鳥亦天然。交交匪常韻。乃知塵埃中。無此烟霞分。真意斯已逢。何必巫咸問。

巫咸弗下天。杜康爲我友。雖知愁無終。聊以進杯酒。繫昔阮與劉。一醉千不朽。委蛇麴蘖中。情真理亦厚。溪風舉芙蓉。簷日挂楊柳。青松在我前。幽篁在我後。及茲不談蕩。勝事焉能久。酣嬉極所如。席用寬老醜。老醜不我悲。榮華不我淫。但願飲我酒。旣醉且復吟。娟

娟同志子天機一何深居有偕賞析出必同攀尋時還  
歌我歌當風揚其音我歌隴頭水君歌雍門琴未論千  
載後兩心且酌斟哀哀此兩心悠悠古與今

古今一旦暮人命如風花道旁焦糞冢松柏紛交拏偕  
問冢中骨枯苑靡等差生爲園林主死爲行人嗟翠篠  
媚新日古苔封舊霞流水何潺潺夕陽亦橫斜旣盛固  
有衰自我安問作耽耽飲醇酒取樂其無涯

無涯亦無始萬感迸秋到朝歌猛虎行暮歌龜山捺心  
與停袁倅迹寄稽阮傲鴻漸亮未能鵲退固所肖上爲

溪上游斗酒相慰勞。爛醉不爲非。薄飲亦攸好。亭亭笑  
蓉花。濯濯理泥淖。用此捐我憂。逍遙以高蹈。

高蹈與天游。一真祛萬假。炯炯酌壺觴。悠悠傍溪野。魚  
戲東西蓮。燕識春秋社。時見遠村人。漁樵用自寫。未知  
姓與名。心情相婀娜。願言結幽棲。猿鶴紛來下。

猿鶴挂高蘿。鷄犬眠空亭。亭午不知夏。蘆葦搖秋聲。袞  
衣向前林。慘慘何冥冥。願逢松與喬。或騎麋鹿行。松喬  
豈無儔。麋鹿信有情。桃源迹匪迷。濠梁意已并。人生苦  
束縛。外歆貴。內平與子敘。斯游持謝塵土橫。

此日足可惜一首答梅生並效昌黎雜用陽庚青

東冬江韻

此日足可惜。此別不可忘。大梁里有千念子。以慨慷北  
風吹子書。高義洗秕糠。子書良愛我。副以詩四章。書以  
敘典型。詩以訴衷腸。纏綿發嘹唳。其音楚以清。味之若  
醇醪。一飲千日醒。念彼造化者。配物以權衡。鳳必求凰。  
爲蛟必與螭。并惜哉。鳳蛟儔。每每各西東。久離方聚首。  
稍懼更悽愴。子兮初入燕頭角。故不長出語。已驚人。杞  
梓自成行。勤和老夫詩。雷霆發精靈。一鳴天下白。誰測

李賀囊飛章未云數隨侍南海邦海闊颶風驅鱷尾指  
長虹五羊不可騎鷓鴣鉤輈行流涕望子歸子留事則  
櫻高堂懸使節子不得遄征三年乃還燕握手尋前盟  
子齒未及冠有作皆琳琅示我海上詩洪濤拍天狂問  
我官如何翦燈說行藏我讀汲黯傳不願師陽城以此  
坐摧挫心苦汗如漿苒苒老將至詩歌千徜徉子謂我  
古意吞彼文通江子謂我秋懷嗣宗不能雙子謂我九  
懷左思走且僵子謂我放歌屈宋之古香謂我孤鳳篇  
天問高頡頏謂我忼慨篇哀豔逼初唐謂我古歌謠導

源擊壤翁謂我和乘操退之宜望洋謂我四言詩出入  
雅頌風譬彼芟與茹嗜者難爲名肝膽爲我青風月爲  
子償入坐我書館出躡郊西東搖搖槐柳花吹傍古衣  
裳溪雲貼芙蓉引我一輩杭子亦問白鷗白鷗澹若忘  
栗留翩兩三將隼而更翔黑風忽吹雨敗葉聲怒撞蘆  
葦擎芭蕉顛倒相披猖須臾得止息草蟲鳴深堂仰視  
高樹巔萬喙來蜩螗爰以兩巨爪縱橫掃入荒挾山擎  
虎兕治水囚鯨鱓時復斂猛犴婉嫵諸官商深者入窞  
冥高者上穹蒼玉皇教兩人三千年一鳴不鳴義未可

鳴之佐紀綱。或乃嫉蛾眉。咄咄騰雌黃。子固變化之余。  
亦厭校量。古來盛名下。伯仲恒可逢。周詩因爲五。蘇李  
揚其聲。建安樹曹劉。李杜興于唐。元白亦駢肩。例及宋。  
蘇黃有明三。百年曰何李。李王念彼造化者。醜物以權  
衡。鳳必求凰爲蛟。必與螭并惜哉。鳳蛟儔。每每各西東。  
久離方聚首。稍懼更悽愴。黃河左逶迤。嵩少右崢嶸。豈  
不美山川。懷子愁難降。豈不痛形影。魂魄來徬徬。晝食  
不及飽。夜輾轉在牀。子如天上雲。來往無恒旁。我如隴  
頭水。鳴咽誰禁當。報子以長篇。詞聲意莫詳。

兩生行贈劉詩橋蔡小漁

孔顏跡已堙。師友義莫屏。今我歌兩生。梧桐擢榛梗。劉  
生起畿輔。筆力射光景。下舉唐宋芬。上汲周秦綆。駢轟  
走雷霆。絢爛削梅杏。古意蟠於胸。外恭中罔罔。蔡生產  
滇南。軀幹偉天挺。不能什伯中。低何就畦町。冥搜闢閭  
奧。獨秀馳鋒穎。豈徒食千蹠。逕須扛九鼎。兩生在人間。  
大道不災眚。識塗馬有先。擇木鳥斯幸。摳衣升我堂。晨  
夕以疑請。初如赴敵場。矛戟森精整。揮霍變化間。了了  
見要領。漸乃騰大荒。沈寥匪人境。狡獪卻乍前。萬里扼

一逞鬼斧夾神工。雕鐫中緊。肯日月爲兩燭。陸離出彪炳。嘉此揆天才。金石與之併。天寒霜霰號。室陋衣裳靜。薄酒儻可斟。粗飯豈應哽。惜哉豚犬姿。謂阿東窮年坐蛙井。近稍芟雲蘿。側睨河漢影。又如巢中鴈。新雛帶奇警。送以閭闔風。未爲鳥雀等。譽之吾敢癖。鞭之令自省。兩生翼其間。磨礪切扶拯。勗哉此意深。感謝至摩頂。桃李不厭馨。箕裘從所乘。韓門昧金根。郊島憤結瘕。東坡鑄秦黃。斜川祚亦永。鏡古有明徵。懷今得孤耿。酒酣吐微詞。庶用蘇酩酊。

村行三首

驅車向前村村中。有好秋不聞黃葉落。但見綠草稠。長風入蘿薜。古霞在松楸。負薪三兩翁。去去無回頭。願投草屋宿。閒樽話田疇。幽賞不我偕。汗下如泉流。

攀尋不能休。村古寺亦古。寺中四翠柏。滄桑鎮幾許。其餘雜花卉。簇簇含秋雨。枯僧本人情。爲我好言語。入寺結綢繆。出寺復容與。吾生信坦夷。誰能送齟齬。

一邱復一邱。一壑復一壑。近牽溪口牛。遠放山頭鶴。斯意與物偕。好風爲我作。不辨東與西。循塗但約畧。心閒。

得從容脚健穿冥漠乃知蜀道悲未若桃源樂

寄挽郭笙愉恭人四章

併序

吾友李石梧觀察之妻郭笙愉恭人賢而工詩  
梓其梧笙館唱和集佳句如林忽捧笙愉凶問  
傷湖湘名閭中失此才也笙愉嘗命其子梅生  
學詩於余次子又吾婿存歿之際不可無哀挽  
之章

白雲何迢迢中有雙鳳皇飛毛羽豐雌飛頓摧傷哀  
哉梧笙館夕陽慘不黃笙兮委泉閭梧兮色悽愴緬想

潘黃門悲風撼空牀。今人亦古情。今情比之長。日月有時竭。金石有時荒。念彼伉儷重千秋。以爲常。

湖湘鬱騷脈發揮不可了。斯人閨閣姿豔豔。鋪才藻。鏤金出。編紉行神入。縹緲工拙在。經營縱橫得奇巧。肯讓蘇蕙能儻比。班昭好造物。忌雕鏤。焉得長壽考。美哉唱和集。流傳不枯槁。

井臼弗爲辱。圭組弗爲榮。惜哉斯人賢。甘苦炯自呈。念當巖居日。古意在釵荆。螻屈實有年。虎嘯方奏聲。歡言侍君子。婀娜上崢嶸。忽然捨之去。控鶴以遐征。鶴下不

可返僊亦不可名風寒天糝糊惡耗甬分明

慈烏生三雛畫秋勤訓誘大雛挺奇傑筆力射牛斗中  
雛吾東牀小雛亦瓊玖時命從我游黽勉意良厚豈惟  
重姻亞實用禮師友木高風易擢女淑命偏咎爲詩敘  
悲憐庶以銘不朽